

JKP "Vodovod" d.o.o. Cazin
Broj: 5-2-1-2-03/22
Cazin, 22.11.2022. godine

Na osnovu članova 25. i 70. Zakona o javnim nabavkama Bosne i Hercegovine (Službeni glasnik BiH, broj 39/14), člana 21. Pravilnika o javnim nabavkama JKP Vodovod doo Cazin, te Preporuke Komisije za javne nabavke, rješavajući o izboru najpovoljnijeg ponuđača za nabavku usluga, direktor JKP "Vodovod" d.o.o. Cazin, donosi

O D L U K U **o izboru najpovoljnijeg ponuđača**

Član 1.

Prihvata se Preporuka Komisije za javne nabavke za nabavku usluga: **popravljanje vodovodnih pumpi**, za sklapanje okvirnog sporazuma, nakon provedenog otvorenog postupka, sa najpovoljnijim ponuđačem **Obrt za servisiranje crpki za vodu i trgovinu "SPIK" vl. Ivan Klarić Zagreb.**

Član 2.

Okvirni sporazum se zaključuje na procijenjenu vrijednost postupka, u iznosu od 250.000,00 KM (dvijestotinepedesethiljada i 00/100 KM), bez PDVa, na period od 12 mjeseci od dana potpisivanja okvirnog sporazuma. Izvršene usluge iz člana 1. ovog sporazuma će se plaćati prema utvrđenim jediničnim cijenama iz Ponude Ponuđača, broj: 24/2022 od 14.11.2022. godine.

Član 3.

Izabrani ponuđač je dužan da, u roku od 7 (sedam) dana od dana dostavljanja ove Odluke, dostave originale ili ovjerene kopije dokumenata iz člana 45. Zakona o javnim nabavkama, u protivnom se ponuda odbacuje u skladu sa članom 68. stav 1. ZJN.

Član 4.

Za praćenje realizacije ovog ugovora zadužuje se Šef službe za održavanje vodovoda i kanalizacije i tehničke usluge.

Član 5.

Ova Odluka objavit će se na web-stranici ugovornog organa www.vodovodcazin.com, uz istovremeno upućivanje ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj:5-2-1-2-01/22 od 02.09.2022. godine. Riječ je o nabavci usluga putem otvorenog postupka. Procijenjena vrijednost nabavke bez PDVa je 250.000,00 KM.

Obavještenje o nabavci broj: 1169-1-2-53-3-51/22 objavljeno je na Portalu javne nabavke dana 14.10.2022. godine i u Službenom glasniku BiH, broj: 70/22.

TD je preuzelo 10 ponuđača, prema Izvještaju o preuzimanju TD.

Za dodjelu ugovora u ovom postupku prijavila su se dva ponuđača, a dana 03.11.2022. godine provedeno je javno otvaranje ponuda.

Komisija za nabavku je izvršila otvaranje, pregled i ocjenu prispjelih ponuda, te utvrdila sljedeće:

- a. da su se za dodjelu ugovora u ovom postupku prijavila dva ponuđača,
- b. da su blagovremeno primljene dvije ponude,
- c. da nije bilo neblagovremeno primljenih ponuda,
- d. da su ponude ponuđača ispravne i prihvatljive.

Predsjednik Komisije je izvršio računsku provjeru ponude, te utvrdio da u ponudi nema računskih grešaka.

Međutim, kako se u sistem unose samo prihvatljive ponude, a ponuda prvorangiranog ponuđača je za oko 45% niža od drugorangiranog prihvatljivog ponuđača, Ugovorni organ je bio u obavezi tražiti pojašnjenje neprirodno niske cijene ponude.

Dana 10.11.2022. godine Ugovorni organ je ponuđaču Obrt "SPIK" vl. Ivan Klarić Zagreb, uputio zahtjev za pojašnjenjem neprirodno niske cijene ponude, te obavezao ponuđača da pojašnjenje dostavi u roku od pet dana od dana zaprimanja obavijesti, uz upozorenje da će u protivnom odbaciti ponudu.

Dana 11.11.2022. godine ponuđač je dostavio pisano obrazloženje svoje ponude, koje je Komisija imenovana za predmetni postupak nabavke ocijenila prihvatljivim, te nastavila sa postupkom i zakazala e-aukciju za dan 14.11.2022. godine, sa početkom u 11:00 i trajanjem od 10 minuta.

Komisija je, na osnovu Izvještaja o toku i završetku e-aukcije, utvrdila Rang listu najuspješnijih ponuđača, počevši od najpovoljnije kako slijedi:

R/br	Naziv ponuđača	ID broj	Konačna cijena u KM, bez PDVa	Umanjenje cijene	Rang
1.	SPIK Zagreb	12513250573	171.723,23	0 %	1
2.	Elektroremont dd Banovići	4209147690003	249.952,00	0%	2

U postupku ocjene provedenog postupka, Uprava preduzeća nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku. Zbog naprijed navedenog, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od prijema ove Odluke. Žalba se izjavljuje Uredu za razmatranje žalbi, putem ugovornog organa, u pismenoj formi, u dovoljnom broju primjeraka, a koji ne može biti manji od tri.

Žalilac koji je propustio izjaviti žalbu, prema odredbama člana 101. Zakona o javnim nabavkama, gubi pravo tražiti ispitivanje zakonitosti po istom osnovu, u kasnijoj fazi postupka

Prilozi:

- Zapisnik Komisije od 03.11.2022. godine
- Pismeno pojašnjenje ponude
- Zapisnik Komisije od 11.11.2022. godine
- Zapisnik Komisije od 15.11.2022. godine

Dostaviti:

- SPIK ZAGREB
- Elektroremont dd Banovići
- a/a



**Za Ugovorni organ
JKP Vodovod doo Cazin**

.....
Ibrahim Mujakić, direktor